



## **RESOLUCIÓN DO 8 DE XANEIRO DE 2025, DA XERENCIA DA ÁREA SANITARIA DA CORUÑA E CEE, POLA QUE SE INICIA O PROCESO DE REUBICACIÓN CONTIDO NA BASE NOVENA DO VIXENTE ACORDO DE MOBILIDADE INTERNA VOLUNTARIA DO COMPLEXO HOSPITALARIO UNIVERSITARIO DA CORUÑA**

Mediante a Resolución da Xerencia da Área Sanitaria da Coruña e Cee de data 16 de xaneiro de 2024 (DOG n.º 23 do 1 de febreiro) convocouse procedemento de mobilidade interna voluntaria para o persoal estatutario fixo das categorías de persoal sanitario diplomado, sanitario de formación profesional e persoal de xestión e servizos do Complexo Hospitalario Universitario A Coruña.

A Base Novena do Acordo de mobilidade vixente regula os criterios de saída/reubicación ou reestruturación da unidade. Nomeadamente, no punto 2 da devandita base, faise referencia á reubicación, indicándose:

“Ao persoal propietario que teña que saír dunha unidade, por mor da incorporación de persoal adxudicatario, ofertaráselle as prazas vacantes no Complexo que non estean ocupadas por persoal propietario, promoción interna temporal ou persoal con nomeamentos interinos en praza vacante ou substituto de titular con dereito a reserva de longa duración, nas que se poderá reubicar, con carácter provisional, en función da antigüidade como propietario do SNS; de producirse empate, polo tempo de servizos prestados como persoal temporal (interino/eventual) e, de continuar persistindo o empate, en favor do profesional de maior idade.

Ao persoal temporal que teña que saír dunha Unidade (interino en praza vacante ou substituto de titular con dereito a reserva de praza de longa duración que non ocupe a praza/posto do titular) ofertaráselle as vacantes no Complexo nas que se poderá reubicar en función da puntuación que ostente nese momento nas listaxes vixentes de aspirantes a vinculacións temporais da correspondente categoría.

Poderá acceder a esta reubicación o persoal con nomeamento interino en praza vacante ou substituto de titular con dereito á reserva de longa duración que non ocupe a praza / posto do titular e que leve desempeñando as súas funcións na mesma Unidade por un período mínimo de cinco anos e amose a súa vontade de saír da mesma. A súa participación seguirá, igualmente, a orde de puntuación na listaxe da categoría correspondente a aportará para ofertar na reubicación a praza ocupada.”

Por tanto, unha vez realizada a adxudicación das prazas de mobilidade interna correspondentes ao ciclo do ano 2024, faise preciso por en marcha o procedemento descrito na Base Novena da convocatoria, para o que resulta necesario proceder da seguinte maneira:

1. Como Anexo á presente Resolución publícase a relación provisional de prazas a ofertar no proceso de reubicación.
2. Os/as profesionais con vínculo de interinidade en praza vacante ou de substitución de titular con dereito a reserva de longa duración que non ocupe a praza / posto do titular que leven desempeñando as súas funcións na mesma Unidade por un período mínimo de cinco anos que desexen participar no procedemento deberán manifestar a súa vontade, aportando para tal efecto, a praza que veñan ocupando.



O prazo para manifestar a súa intención de participar no proceso de reubicación comezará o día seguinte á publicación no Espazo do profesional desta Resolución e rematará o día 15 de xaneiro de 2025 (5 días laborais). A intención de participación manifestarase a través do procedemento que se comunique vía correo electrónico desde o Espazo do Profesional.

4. Rematado o prazo de inscrición sinalado no apartado 2 procederase a ofertar as prazas aportadas polos profesionais que teñan manifestado a súa vontade de participación no proceso, xunto coas indicadas no apartado 1.

5. Os criterios de adxudicación serán os seguintes:

5.1. Persoal propietario que teña que saír dunha unidade, por mor da incorporación de persoal adxudicatario, de maior a menor antigüidade como propietario no SNS. De producirse empate, polo tempo de servizos prestados como persoal temporal (interino/eventual) e, de continuar persistindo o empate, en favor do profesional de maior idade.

5.2. Persoal temporal (interino en praza vacante ou substituto de titular con dereito á reserva de longa duración que non ocupe a praza / posto do titular) que teña que saír dunha Unidade e persoal con nomeamento interino en praza vacante ou substituto de titular con dereito á reserva de longa duración que non ocupe a praza / posto do titular que leve desempeñando as súas funcións na mesma Unidade por un período mínimo de cinco anos, segundo a súa orde de prelación na vixente listaxe de selección de persoal estatutario temporal da categoría de que se trate, tendo preferencia os/as profesionais de lista de promoción interna sobre os/as de quenda libre.

**DILIXENCIA:**

Para facer constar que con esta mesma data procédese á publicación da presente Resolución.

A Coruña, 8 de xaneiro de 2025

O DIRECTOR DE RR.HH.

Asdo. Xavier Fernández Nistal

A Coruña, 8 de xaneiro de 2025  
O XERENTE DA ÁREA SANITARIA DA CORUÑA E CEE  
P.A. Alejandro Ávila Álvarez  
Director Asistencial

Asdo.: Luis Verde Remeseiro